

家藏蒙筌

一五

宋 蘇軾 詩集

蘇軾

坐臥齋

後世三十餘年蘇軾氏...

蘇軾

蘇軾

蘇軾

蘇軾...

蘇軾

蘇軾...

蘇軾

蘇軾...

蘇軾

蘇軾...

蘇軾

蘇軾...

蘇軾

蘇軾...

蘇軾

蘇軾...

附骨疽

多骨疽

鶴膝風

痔瘡

鬢疽

疥瘡

時毒

疥腮

下疳瘡

流注

腎囊癰

楊梅瘡

臙瘡

懸癰

癰瘡

禿瘡

坐板瘡

杖瘡

湯火傷

雜方

家藏蒙筌卷十四

附骨疽

後學王世鍾小溪氏纂輯男迪哲校訂

附骨疽俗呼爲貼骨癰凡疽毒最深而結聚於骨際者皆可謂之附骨然尤惟兩股間肉厚處乃多此症蓋此症之因有勞傷筋骨而殘損其脈者有酒後入房而困燥其陰者有憂思鬱怒而留結其氣者有風邪寒濕而侵襲其經者遂成斯疾初起寒熱交作如感冒風寒隨後筋骨疼痛不熱不紅甚則痛如錐刺不能屈伸轉動日久陰變爲陽寒化爲熱熱甚而肉腐爲膿外形腫大無頭皮色如常漸透紅亮一點內膿已成至治此之法

初起者內宜表散寒邪通行經絡外宜用隔蒜灸法若膿成已潰宜按前癰疽諸瘡潰爛後治之此症皆由沉寒痼冷中來外敷內治切不可用苦寒損脾泄氣等藥若誤用之必至氣血水凝化爲污水不時滴流腫仍不消痛仍不減元氣日衰唇舌乾焦二便枯秘飲食不進諸藥不效反爲不治之症也

保安萬靈丹

見前癰疽

治附骨疽生於大腿外側屬足三陽經

生於裏側屬足三陰經凡初起寒熱往來覺腿骨痛者卽宜服此方未成者服之卽消已成者易潰此方凡癰疽瘡毒不拘生於何處初起者俱宜服之乃表散瘡毒之第一方也

五積散

見傷寒門

治附骨疽初起時風寒重者依本方加牛膝

牛膝紅花卽宜服之發汗散寒通行經絡

隔蒜灸法見前癰疽治附骨疽初起卽用此法灸之能使毒隨火散

雷火神鍼

治風寒濕毒之氣襲於經絡漫種無頭皮色不變

筋骨疼痛起坐艱難不得安卧者用此鍼之

蘄艾

採三錢

丁香

五分麝香二分

右藥與艾揉和用火絀二張將藥平鋪絀上用力實捲如指粗大收貯臨用以絀七層平放患處將針點着一頭對患向絀捺實待不痛方起鍼病甚者再鍼一次七日後大瘡大發自取功效

內托黃芪湯 治腿之裏側近膝處患附骨或癰初起腫痛此

屬足太陰脾足厥陰肝二經部位也或脈細而弦按之洪緩

有力宜服此湯

黃芪淡鹽水炒一錢 木瓜一錢 連翹一錢去心 柴胡一錢 羌活五分

肉桂五分 生地五分 黃栢五分 酒水各半煎服

內托酒煎湯 治腿之外側係足少陽膽經部位患附骨或癰

堅硬漫腫作痛或流至腿之正面足陽明胃經作腫並皆治

之

當歸三錢 黃芪三錢淡鹽水炒 柴胡二錢 大力子三錢炒研 連翹二錢去心

肉桂一錢 升麻五分 黃栢五分 甘草五分 酒水各半煎服

茯苓佐經湯

治腿之正面屬陽明胃經部位患附骨或癰初

起發熱疼痛頭目昏眩嘔吐不食胸隔不利心煩熱悶等症

白茯苓

二錢

蒼朮

二錢

陳皮

二錢

白朮

二錢

土炒半夏

厚朴

一錢

姜水炒

木瓜

一錢

柴胡

一錢

藿香

一錢

葛根

一錢

澤瀉

一錢

甘草

一錢

薑三片

水煎服

附子六物湯

治附骨或癰發於腿之裏側屬足大陰脾經部

位骨節煩痛四肢拘急自汗短氣小水不利手足浮腫並宜

附子

二錢

甘草

二錢

防己

一錢

茯苓

六分

白朮

一錢

六分

土炒

桂枝

一錢

生薑三片

水煎服

麻黃佐經湯

治風寒暑濕四氣流注腿之後面屬足大陽膀

肱經部位腰足攣痺關節重痛憎寒發熱無汗或兼惡風頭痛等症

麻黃二錢 防風二錢 防己二錢 羌活二錢 葛根二錢 桂心二錢

細心二錢 白茯苓二錢 甘草一錢 蒼朮二錢 米泔水炒

生薑三片 紅棗三枚 水煎服

大防風湯 治三陰不足外邪過盛大腿通腫皮色不變疼痛

日增不消不潰此屬虛寒骨冷又治膝愈大腿愈小名鶴膝

風非此方亦不能治以及痢後脚痛緩弱難行並臻神效

人參二錢 白朮一錢 甘草一錢 當歸一錢 熟地一錢 川芎一錢

白芍一錢 酒炒附風一錢 黃芪一錢 羌活一錢 牛膝一錢 杜仲一錢

製附子一錢

生薑三片水煎服

火龍膏 治風寒濕毒所襲筋骨攣痛及濕痰流注經絡之壅痛不能行步並治歷節風鶴膝風其效如神

生薑八兩取汁乳香五錢爲末沒藥五錢爲末麝香七分

真牛皮膠二兩

右先將薑汁並膠溶化方下乳香沒藥調勻待少溫下麝香卽成膏矣攤患處更服五積散如鶴膝風須服大防風湯

多骨疽

立齋曰多骨疽者由瘡瘍久潰氣血不能營於患處邪氣陷襲

久則爛筋腐骨而脫出屬足三陰虧損之症也又有初生身肉之中按之有如脆骨由受胎時精血交錯而結其人長大後必於脆骨所生之處發腫生疽及潰破後多骨脫出其口方歛又有多骨出之不休者名曰骨脹難愈但此症多生於腮腭牙床眼角額下手足腿膊等處其治法皆同俱宜隔附子餅以艾灸之宜寒凝之氣令骨速脫蓋骨屬腎遇寒則凝故從熱治也若朽骨口處或出臭膿水宜撒紅白降丹蓋貼膏藥令朽骨出盡其口始易歛也如腎虛陰火發熱者服六味地黄丸兼以補中益氣湯如陽氣虛寒者服八味地黄丸亦兼以補中益氣湯常服可愈由胎元結成者稟賦身虛不可強取多骨候自破則取

之亦不可妄投尅伐之藥復傷真氣則自不致誤矣

附子餅灸法

治潰瘍氣血俱虛不能收斂或風寒襲之以致血氣不能運行皆令不斂用生附子一枚火緇包數層童便浸透灰火燒熟去皮臍研末以唾津和爲餅置瘡口上將艾壯於餅上灸之每日灸數壯但令微熱勿令痛如餅乾再用唾津調和務以瘡口活潤爲度

紅白降丹見前癰疽門

六味地黃丸

補中益氣湯

八味地黃丸

三方俱見補益門

鶴膝風

此症係足三陰虧損風寒濕三氣流注之爲患也其症足膝腫痛臂胫細小以其象鶴膝之形故名鶴膝風然腫痛者必有邪滯枯細者必因血虛如膝內隱痛寒勝也筋急而攣風勝也筋緩無力濕勝也初腫如綿皮色不變亦無焮熱疼痛日增凡治此病者必宜以養氣滋血爲主有風者兼散其風有寒濕者兼去其寒濕若果由邪鬱成熱者必宜滋陰清火自無不愈其不痢後而成者又名痢後風此以瀉痢亡陰尤宜滋腎至者潰後時出白漿浮皮雖腐腫痛仍前不可用蝕藥只宜芙蓉葉菊花

葉父葉各五錢搗碎加麥麴糊同搗勻貼亦可止痛解毒此係
小症中之敗症也最難收功立齋曰凡氣體虛弱邪又骨界遏
絕隧道若非用桂附辛溫之藥開散關節腠理之寒邪通暢遂
道經絡之氣血決不能愈且本草云附子治寒濕痿痺拘攣膝
痛不能行步以白朮佐之爲寒濕之聖藥又云桂通血脈消痰
血堅骨節治風痺骨攣脚軟宣導諸藥及十全大湯以治前症
不但不可去桂亦不可不加附子無此二味何以行參耆之功
健芎歸之能而補助血氣使之宣通經絡扶大虛之症以收必
效之功哉學者鑒諸

五積散

見傷寒門

治鶴膝風初起先宜服之發散風寒濕邪

之氣依本方加牛膝紅花

保安萬靈丹

見前癰疽門

治鶴膝風初起先宜服前五積散

汗之即宜服此方以溫散之

隔蒜灸法見前癰疽門

治鶴膝風初起即宜用此法灸之易

芳敬敏

面陽玉龍膏

見前癰疽門

治鶴膝風初起急用此膏敷之大

有功效

換骨丹

治鶴膝風已成即宜常服此丸驅邪通絡此史國公

藥酒之變方也

蒼朮

四兩米泔水炒

紅花

二兩五錢

茄根

二兩

當歸

二兩

牛膝

二兩

羌活一兩 防風一兩 秦艽一兩 獨活一兩 蠶沙一兩

松節一兩 華蘼一兩 羌活一兩 虎骨一兩 酥炙

共用酒浸晒乾研為細末酒糊為丸如梧桐子大每服三錢
空心白滾水送下

獨活寄生湯 治鶴膝風日久不消勢欲潰者因肝腎虧虛邪

不能去宜服此湯

獨活一錢五分 人參一錢五分 茯苓一錢五分 川芎一錢五分

防風一錢五分 桂心一錢五分 牛膝一錢五分 杜仲一錢五分

秦艽一錢五分 細辛一錢五分 當歸一錢五分 白芍一錢五分

炙甘草一錢 生薑五片 水煎服

大防風湯見前附骨疽

治鶴膝風日久欲潰卽宜多服數十

劑此治鶴膝風之專方也

神效葱熨法

此方不特治鶴膝風又治流注結核骨癰肢體

腫塊或痛不痛或風寒襲於經絡流注肢體筋攣骨痛或先用隔蒜灸法而餘腫未消最宜用此熨之以行壅散滯其功甚大用葱頭一觔杵炒熱敷患處如冷上以熱物熨之勿使
葱冷若葱冷則易之以多熨爲妙如遇跌撲損傷亦宜用此
止痛散血消腫或用葱湯薰洗患處亦可此

方其效如神勿
故賤而忽已也

痔瘡